

谭姓赋

谭杰

泱泱中国，灿灿文明。悠悠源脉，勃勃衍生。华山雄踞，灵佑四海和乐；嵩岳危耸，鼎镇九州太平。长江滚滚，涛吟千秋繁茂；黄河汤汤，浪歌万古峥嵘。根植华夏，族列百家姓氏；文系炎黄，德化六域精英。思容宇宙，哲蕴八方智慧；福祈天下，礼交五湖生灵。巍巍乎立世，熙熙哉春风；昊昊然论道，骄骄兮黄龙。是乃明德执义、济世兴邦、联洲系海、顶天立地之民族者也！

谭姓望族，溯始祖于黄帝；昌意大贤，率门派之正宗。舜帝励功，赐大禹以姒氏；周王封侯，立谭国于山东。是时也，关武交汇，傍清流而耕作；长马相望，倚岱岳而郭城。河带北燕，盖青济之喉襟；峰衔南鲁，登泰菜之要冲。黑陶凝艺，雁领龙山文化，遗址积档，演证都市启蒙。青铜铸器，标识皇覃丁盛；伯益作井，开启集居兴隆。先导文化之厚重，鼎守邦家之昌宁。立国三百八十余载，政通人和，日朗风清，盖先祖勤事善为、仁民竞业、精诚执义、弘德知礼者焉。谭姓聚山东而广布八域，发中原而遍及五洲，枝叶荣茂，繁衍不息也。且夫堂号善断，名仰大唐朝野；郡望河洛，门耀古崤弘农。贤礼治国，恪正扶直抑曲；夫吾修身，舍生执义扬清。都统应元，疾书拨吸云水；工官拾子，诚谏寓含慧聪。戊戌变法，嗣同堪称君子；嘉靖抗倭，谭戚合留雅声。豪胆慕王，敢教英法挫败；伟器院长，善取左右结盟。斗邪总理，骨傲不畏强势；救亡委员，节贞尽见赤诚。竞陵元春，文倡幽深孤峭；泉州景升，道创太和虚空。北平鑫培，唱红京剧票座；香港咏麟，歌醉金曲流行。嘻矣！人才济济，贯古纳今，贤人，哲人，仕人，商人，文人，武人，技人，艺人，达人彰鸿志；子嗣芸芸，走南闯北，湘邑，粤邑，赣邑，陕邑，蜀邑，豫邑，辽邑，台邑，港邑耀繁星。舟

荡春柳，江南为吏；马驭秋霜，塞北请缨。欧洲澳洲，隔空迁徙；东亚南亚，跨海经营。求学异域，遥履雄关重洋；创业天涯，笑对恶浪冰封。挥汗步道，肩挑子孙希望；前赴后继而跋涉；抛血疆场，怀系民族兴振披星戴月以兼程。威威乎，立百氏之林；伟伟哉，享万世之荣！不负天下之尊属大姓也。

嗟乎！天下同族同宗者众矣，同舟同道者寡焉；同学同乡者众矣，同思同梦者寡焉；同僚同事者众矣，同贤同德者寡焉；同富同贵者众矣，同尊同崇者寡焉。非人之不欲尊崇也，学之不博，行之勿达，思之未辨，格之失雅也。学贯东西，行达南北，思穷天地，格拔云天，是乃大器之兆焉。不积垒土，勿立九层之台；不思累学，焉得万仞之危；不施仁，无以爱物；不重义，无以广交；不知礼，无以端行；不开智，无以达思；不守信，无以立世；不行孝，无以正人；不秉忠，无以报国。惟明德可以修身，惟修身可以齐家，惟齐家可以奉天下，惟奉天下可以无愧于皇天后土、列祖列宗者也！谭门子嗣，宜立高标以竞进，仰圣贤而奋取。清其源望其流，正其形欲其直。淳淳之嘱，莫以忘怀。

夫泰阶拱照，山河荣荣。紫气漫荡，宇天澄澄。安居和唱，燕鹊嚶嚶。湖毫醉舞，赋吟融融。歌曰：

清流一脉唱春风，千古豪门负盛名。

自信前途多壮丽，九天追梦傲鲲鹏！

二零一五年三月于河南洛阳

湘潭谭氏源流编委会

